



UNIVERSITÄTS-
BIBLIOTHEK
PADERBORN

**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Joakim, Rex Juda.

[urn:nbn:de:hbz:466:1-62332](https://nbn-resolving.org/urn:nbn:de:hbz:466:1-62332)

moritur.
4. Reg. 23.
à v. 29.
2. Par. 35.
à v. 26.

puit. Post Merodachum & Ben Merodachum Babylone hoc tempore Rex erat Nabopolassar dictus etiam Nabuchodonosor senior. Huic ad Euphratem bellum illaturus Necho Rex Aegypti transitum à Josia petiit per Judæam; quò negatò nihilominus Regni fines ingressus est; quare Josias collecto exercitu Aegyptium in campo Mageddo aggreditur. At vix pugnae initium datum est, sagittâ graviter vulneratus concidit, ac brevi post mortuus est; inde Jerosolymam asportatus conditus est in sepulchro suo, & universus Juda & Jerusalem luxerunt eum, Jeremias maximè. Reliquit tres filios Joakim, Joachaz, & Sedeciam.

Joachaz, Rex Juda.

Ab An. 3372.

Joachaz vi-
ctus in Aegy-
ptum abstra-
hitur.

4. Reg. 23.
à v. 31.
2. Par. 35.
à v. 1. ad f.

Juvenis viginti trium annorum factione populari præ fratre primogenito in solium evehctus est, fortassis quòd vel magis strenuus crederetur, vel Religionis libertatem ad vota populi moribus vivendique licentiâ promitteret. *Nam fecit malum coram Domino.* At brevi tum ambitionis suæ tum impietatis poenas dedit; cum enim Pharaò è bello Babylonico post tres menses reverteretur, à Joakimò, ut apparet, requisitus, successio- nis negotium ita composuit, ut Joachaz conjectum in vincula amandaret in Aegyptum, Joakimum verò Regem constitueret; à quo ubi extorta à subditis centum talenta argenti, & unum talentum auri tributi nomine recepit, Aegyptum repetiit.

Joakim, Rex Juda.

Ab An. 3372.

Idolatriam
fovet.

4. Reg. 23.
à v. 34.
2. Par. 36.
à v. 4.

Viginti quinque annorum erat Joakim, cum beneficio Pharaonis regnare cœpit, & undecim annis regnavit in Jerusalem, fecitque malum coram Domino DEO suo; non enim minus, quàm Joachaz Idolatriam fovit, ut populum benevolum haberet, occiditque Uriam, quòd prophetasset adversus Jerusalem & Templum ejus; & projecit cadaver ejus in sepulchris vulgi ignobilis. *Fer. 26. à v. 20.* Ipse etiam Jeremias in periculo erat, ne, cum in atrio Israëlitico ad circumfusam multitudinem prophetaret contra eandem civitatem, poscentibus præteritum sacrilegis Sacerdotibus, interficeretur, à v. 11. adeò regna-

gnantibus Joſæ impiis filiis odioſa erat veritas, & pro DEO contra Idololatriam loquendi libertas. Plura alia præſertim crudelitatis, ſuperbiæ & avaritiæ vitia in hunc Regem congerunt tum Jeremias tum poſtea Ezechiel Prophetæ.

Quare Dominus diutiùs non potuit cohibere manum, quin virgam vigilantem, quam pridem viderat Jeremias, tandem vibraret ſuper Judam & Jeruſalem. Annò tertio Regni Joakimi miſerat Nabopolaffat filium ſuum Nabuchodonoforem, qui poſtea Magnus dictus eſt, ut tum Ægyptium Regem Nechoa caſtigaret, tum Syros, qui rebellaverant, domaret. Rebùs utrinque bene geſtis moritur interim Babylone Parens. Nabuchodonofor redire coactus inſperatò venit in Judæam, obſidétque Jeruſolymam, ulturus nempe amicitiam cum Ægyptio hoſte ſuo contractam. brevi tempore ſeu vi ſeu fraude, ſeu terrore capit urbem ferendæ obſidioni imparatam; indiçtòque priùs annuo tributo Regem catenis vinctum cum aliquot aliis illuſtribus captivis, inter quos de ſemine regio puer Daniel, Anania, Azaria, Miſaël, Babylone abducit cum parte ſacrorum vaſorum, quæ reſpuit in Templo DEI ſui, atque hinc ſeptuaginta annorum captivitatis Babyloniæ initium eſt, quam *Jeremias cap. 25.* populo denunciavit.

Joakim ſupplex tyranno factus poſt aliquot meſes libertati Regnòque ſuo redditur retentis Daniele & ſociis velut obſidibus, qui Babylone variis literis erudi bantur divino potiùs, quam humano magiſterio; nam cum expleto triennio ſtarent in conſpectu Regis, ad omne verbum ſapientiæ, quod ſciſcitatus eſt ab eis Rex, cum admiratione reſpondebant, decuplo doctiores cunctis Ariolis & Magis Chaldæorum, erantque etiam formoſiores reliquis regiis pueris, licet iſti regio cibo veſcerentur, illi ſolis leguminibus & aquæ potu contenti eſſent.

Joakim Jeruſolymam reverſus tribus annis Nabuchodonofori tributum ritè perſolvit, deinceps verò id reddere cunctatus eſt, vana ſpe inductus expeditionis Ægyptiæ contra Chaldæos; quod cum graviter ferret Babyloniùs, neque tamen bellis aliis implicitus ipſe in Judæam recurrere poſſet, miſit nihilominus copias ex latrunculis, id eſt, militibus Chaldææ, Syriæ, Moab & Amon raptim collectas, à quibus ſubinde variis cladibus affecti Judæi: denique ſiniente anno undecimo Regni Joakim, planè

Capta urbe
captivus cum
multis aliis
Babylone
mittitur.
2. Par. 36.
à v. 6.
Dan. 1. à v. 1
ad 3.

Liberatur.
4. Reg. 24.
v. 1.
Dan. 1. à v. 21.

Interficitur.
4. Reg. 24.
à v. 2.
Jer. 22. v. 18.
& 19.

subacti, & rursus servituti subjecti sunt Rege Joakimo etiam morte sublato, cujus deinde cadaver extra portas Jerusalem projectum, & sepulturam asini sepultum est, veluti Jeremias praedixerat; & regnavit Jechonias filius ejus pro eo, jure ad ipsum devoluto sceptro.

Jechonias, Rex Juda.

Ab An. 3383.

Jechonias
cum Judæis
in Babylo-
nem abduci-
tur.

4. Reg. 24.

à v. 8.

2. Par. 36.

v. 10.

Jechonias decem & octo annorum erat, cum regnare coepisset, & fecit malum coram Domino juxta omnia, quae fecerat Pater ejus. Regnavit tribus solum mensibus. veritus enim Nabuchodonosor, ne memor Patris tam indignè à Chaldæis occisus deficeret, seque Ægyptiis aut Tyriis, qui jam tunc erant, hostibus jungeret, rursus venit cum exercitu, & Jerusalem obsidione cinxit. Jechonias diffusus viribus suis de consilio Matris ac Jeremiae Procerumque egressus se Babylonio dedit. Speravit Jechonias, cum nullius criminis contra Babylonium sibi conscius esset, eum nihil mali illaturum civitati. At iste Jerusalem ingressus abstulit primo thesauros Domus Domini, & Domus regia; deinde Jechoniam Regem, Matrem, & uxores ejus, universos Principes, decem millia virorum fortium, 8000. opificum, Sacerdotes & Prophetas, inter quos Ezechiel, Josedec & Mardocheus, captivos duxit in Babylonem relictis solis pauperibus iisque, qui huc illucque diffugerant.

Sedecias fit
Rex.

4. Reg. 24.

à v. 17.

2. Par. 36.

à v. 10.

Sedeciam verò tertium Josia Filium & Jechoniae Patrum Regem Judææ constituit jurejurando adstrictum, ut fidem servaret, nihil in Regno mutet, Ægyptios non juvet, & tributa cum fide pendat. Rebus ita in Judæa compositis Nabuchodonosor recessit; quod ubi percerebuit, ii, qui magno numero antea metu Chaldæorum in Ægyptum aliaque loca confugerant, reversi sunt, & Regnum Sedeciae paulò splendidius reddidit.

Sedecias, Rex Juda.

Ab An. 3383.

Jeremias Re-
gem & popu-
lum frustra

Vigesimum & primum annum ætatis habebat, cum regnare coepit, & undecim annis regnavit, & fecit malum coram Domino juxta omnia quae fecerat Joakim ejus Frater. Jeremias, qui DEI nutu Jerusalem remanserat ad curandas populi reliquias,